


Huez a aumenta
demanda di castigo

4 Aña di prison pa Polis Bremo



E Polis, Eduardo R. Bremo ayer main- ta a tende veredicto den su caso, unda Huez a aumenta e castigo demanda dor di Fiscal di 42 luna sera pa 48 luna. Esta e lo tin cu sinta 4 aña na KIA. T'asina cu Fiscal di Ministerio Publico a acusa Polis Eduardo R. Bremo di violacion

di un señora den auto di servicio, durante cu e tabata na warda.

Dia 9 di maart ultimo Fiscal a demanda 42 luna sera, pero ayera Huez a conden'e na 48 luna di prison, pues 4 aña largo, pa violacion di un hende muher, bou ora di trabou, den uniform y den auto di Polis!

Fiscal di Ministerio Publico a acusa Polis Bremo di a viola un dama dia 10 di november 2016.

E violencia a ensera cu e, na uniform di Polis, a (entre otro) duna e persona ordo pa muestra su pasport y p'e subi den auto di Polis.

E lo a bisa e victima cu e ta bay hibe sera, pero a hibe na un lugar leu, a bise varios biaha cu e ta un Polis y cu e tin arma y consecuentemente a haci uso di e desigualdad di poder cu a surgi como resultado di e situacion.

Pero separa di e prome acusacion ey di violacion sexual, a bin acerca awor cu den su posicion di ambtenaar y Polis, a malversa obhetonan, esta un chin-up y dos klop, den e periodo di 1 di januari 2009 te 16 di november 2016.

Comosifera poco, Fiscal tambe ta acusa e

Polis di, a ilegalmente haci doño di 60 bala y un cachiporra. E acusado tin dos siman pa apela su sentencia den caso cu e no ta di acuerdo cu su castigo.

INOCENTE

Señora di Polis Eduard R. Bremo si ta haya cu su esposo ta inocente. Asina cu e castigo a cay ayera, sra. Lisbeth Panneflekk a scirbi riba su FaceBook: "E unico cos cu mi ta bay bisa ta, decision di Huez no tabata husto.

Mas despues mi ta bay post desde prome dia te cu awor, con tur cos a tuma lugar.

Desde e supuesto violacion te n'e declaracionnan di e supuesto victima".

Segun Lisbeth Panneflekk, ta hopi tristo cu Huez ta duna un sentencia riba algo cu ta clao, cu tabatin gañamento, Pero pasobra su casa ta un Polis, a dicidi di tume como ehempel pa posibel castigonan pa otro Polisnan si un dia nan haci malo.

"Esnan cu no conoce Bremo y ta sinta papia k...k di dje sin conoce y tin mi geadded, please un friend bo mes. Cos no a caba ainda, tin un caminda pa sigui cana y demostra cu e ta inocente.

Mi sa kende e ta y con e ta. Mi lo sigui 100% su tras te dia e sali liber. I love you Bremo".

P'e conocido locator y
MC Oz di varios evento

Ostrick Jansen, Huez a sentenci'e na 18 luna di prison



ALGUN siman pasa Fiscal di Ministerio Publico a exigí un castigo di 1 aña y mey di prison p'e conocido locator di Power FM y MC na eventonan, esta Ostrick Jansen (MC Oz) di 31 aña di edad, acusa di a tene relacion sexual cu un mucha muher di 14 aña, esta menor di esaki, sak'e na estado y despues core pa su responsabilidad.

Di e 18 lunanan di castigo, 6 luna ta condicional, pues lo mester sinta solamente 12 luna di prison.

Huez sinembargo a tuma un decision diferente n'e demanda y a condena e locutor di radio ayera na 18 luna completo, sin kita 6 luna condicional, solamente ta kita e 4 lunanan cu el a pasa den detencion preventivo.

Tabata diaranson dia 7 di december 2016, Recherchenan di Jeugd en Zeden Politie a detene e sospechoso, kende desde un principio tabatin abogado mr. Chris Lejuez den su defensa.

E abogado a bisa den Corte cu MC Oz no tabata sa cu e mucha muher tabatin solamente

14 aña. Sinembargo Fiscal a aclaria cu di acuerdo cu ley y hurisprudencia den casonan similar, a deduci cu no ta haci diferencia cu si e sospechoso sa of no e edad di e victima. Huez a bisa den Corte: "Andere mensen moeten nadenken voordat ze zoiets doen".

Na Polis MC Oz a duna declaracionnan contradictorio riba e tema aki, di cu si e tabata sa cu e mucha muher ta menor di edad of no. E victima a sigura na Polis cu el a bisa MC Oz su edad prome cu a tene relacion sexual.

Y cu si e relacion sexual tabata consinti of no, tampoco ta haci ningun diferencia den ley.

Tene relacion sexual cu un mucha bou 16 aña ta castigabel pa ley y punto!

Fiscal a lamenta masha e actitud di MC Oz, cu a sabiendas cu e ta teniendo relacion cu un mucha, a haci'e sin proteccion, a sak'e na estado y core pa su responsabilidad tambe!

E acusado tin dos siman pa apela e sentencia, den caso cu e no ta di acuerdo cu su castigo.